

四庫全書

史部

欽定四庫全書

史部

寶慶四明志卷二

詳校官監察御史臣沈孫璉

檢討臣德生覆勘

總校官降調編修臣倉聖脉

校對官中書臣翁樹棠

謄錄監生臣姜士安

欽定四庫全書

史部十一

寶慶四明志

地理類三

都會郡縣之屬

提要

臣等謹案寶慶四明志二十一卷四明續志十二卷宋羅濬撰濬廬陵人官贛州錄事叅軍文獻通考作羅璿蓋傳寫誤也先是乾道中知明州張津始纂輯四明圖經而搜採未脩寶慶二年煥章閣學士通議大夫知慶元

府兼沿海制置使廬陵胡槩復命校官方萬里因圖經舊本重加增訂如唐刺史韓察之移州城唐及五代郡守姓名多據碑刻史傳補入其事未竟會萬里赴調中輟濬與槩同里適游四明遂屬之編定凡一百五十日而書成前十一卷為郡志分敘郡敘山敘水敘產敘賦敘兵敘人敘祠敘遺九門各門又分立四十六子目第十二卷以下則為鄞奉化

慈谿定海昌國象山各縣志每縣俱自為門  
目不與郡志相混蓋當時明州雖建府號而  
不置倚郭之縣故州與縣各領疆土如今直  
隸州之體故與他郡不同也宋史藝文志僅  
有張津圖經十二卷及四明風俗賦一卷不  
載是書惟陳振孫書錄解題載之其卷數與  
此本相合蓋猶從宋槧抄存者志中所列職  
官科第名姓及他事蹟或下及咸淳距寶慶

三四十十年蓋後人已有所補益非盡羅濬之  
舊然但逐條綴附而體例未更故敘述謹嚴  
不失古法元表楠延祐四明志亦據為藍本  
多所採用焉續志十二卷則開慶元年慶元  
府學教授梅應發添差通判鎮江府劉錫所  
撰共分子目三十有七其自序稱續志之作  
所以志大使丞相履齋先生吳公三年治鄞  
之政績其已作而述者不復志故所述多吳

潛  
在官事實而山川疆域已詳於舊志者則  
縣未之及是因一人而別修一郡之志名為  
輿圖實則家傳於著作之體殊乖然索宋史  
吳潛傳載潛以右丞相罷為觀文殿大學士  
尋授沿海制置大使判慶元府至官條其軍  
民久遠之計告於政府奏時行之又積錢百  
十七萬三千八百有奇代民輸帛前後所蠲  
五百四十九萬一千七百有奇是潛蒞鄞以

後官績頗有可觀二人所述尚不盡出於諛  
頌至潛所著文集世久無傳後人掇拾叢殘  
編為遺藁亦殊傷闕略此志載潛吟藁二卷  
共古今體詩二百九首詩餘二卷共詞一百  
三十卷皆世所未覩雖其詞不必盡工而名  
臣著作藉以獲存固亦足資援据故今仍與  
羅澐書並錄存焉乾隆四十六年九月恭校  
上



總纂官

臣紀昀

臣陸錫熊

臣孫士毅

總校官

臣陸

費

墀



欽定四庫全書

寶慶四明志卷一

宋羅濬撰

郡志一

叙郡上

沿革表

郡

縣

屬部

夏

商 周

越國

禹葬會稽少康

封庶子無餘  
於其地以奉  
廟祀號於越  
見史記世家  
以漢之句章  
鄞鄞皆屬會  
稽郡則是時  
此地屬越可  
知

越國

越國

無餘之  
後二十

揚州

禹貢惟揚

州釋者謂北  
據淮南距海  
則自海以北  
皆揚州也

揚州

揚州

餘世至勾踐  
當元王時滅  
吳欲置吳王  
甬東杜預曰  
甬東會稽句  
章縣東海中  
洲也勾踐七  
世孫無強當  
顯王時為楚  
威王所滅盡  
取故吳地至  
浙江越以此  
散諸族子爭  
立或為王或  
為君濱於江  
南海上服朝

# 秦

於楚楚地至  
浙江而止句  
章鄆之  
越子孫尚分  
有之見史記  
世家  
會稽郡本史記  
始皇帝三十  
五年王翦定  
荆江南地降  
越君置會稽  
郡

章句鄆  
地理志郡仍  
秦而縣或漢  
所創置者皆  
著其始如河  
南之新城河  
內之獲嘉是  
也若郡縣皆  
仍秦則止於

漢

荊國 高帝六年建劉賈王

吳國 高帝十年建

劉濞 王按漢書本紀以故東陽郡鄣郡吳郡五十三

郡下注秦置而己會稽郡既秦置則三縣皆秦置可知

句章 東部都尉治

鄞 東部都尉治

鄞 武帝滅東越以其地

立東部都尉治後徙章安成帝陽朔元年又徙治鄞

揚州 武帝分十三部以刺史察郡此其一也

縣立劉賈為

或有寇害復徙句章

荆王賈死以王

濞劉攸曰吳

非秦郡然按

濞本傳削吳

會稽豫章郡

書至豈非指

會稽為吳郡

乎然則句章

鄞屬荆吳

可知矣

會稽郡

景帝四年

復為郡按地

理志本郡注



景帝四年屬江都然廣陵注江都易王非廣陵厲王胥皆都此并得得鄣郡而不紀傳吳參考表在元符二年廢而嚴助發會稽兵為會稽守已在建元問則王濞國除之後句章鄞鄮自屬會稽郡無疑矣

東漢

會稽郡

郡本

句章

揚州

順帝始分置

吳郡治吳會

鄞

稽郡始治山

鄞

陰

吳

會稽郡

按吳志孫

句章

策自領會稽

鄞

太守是時策

自歷陽渡江

鄞

轉鬬乃渡浙

江據會稽是

會稽郡仍治

廬山陰也策死

鄞

晉

會稽郡

會稽國

東晉  
蘭文

鄞

句章

揚州

權領會稽太  
守乃遙領爾  
其後孫亮嘗  
分會稽東部  
為臨海郡孫  
休嘗分會稽  
為建安郡孫  
皓又嘗分為  
東陽郡而會  
稽領句章鄞  
鄞自若

宋

帝始王及徙  
瑯琊子昌明  
王太元十七  
年道子王太  
抵置郡建康  
而以內史領  
國事義熙元  
年又封臨川  
王子脩之為  
王

會稽郡  
武帝永初  
二年罷府復  
為郡

鄮

句章

鄞

鄮

揚州  
孝武帝  
孝建元  
年立東揚州  
統會稽東陽  
新安臨海永  
嘉五郡大明

齊  
會稽郡

句章鄞

揚州

三年以揚州  
所統六郡為  
王畿而東揚  
州直為揚州  
以豫章王子  
尚為刺史加  
都督八年冬  
復以王畿諸  
郡為揚州而  
揚州還為東  
揚州景和元  
年東揚州併

梁

會稽郡

句章

東揚州

武帝  
普通

六年復以會稽東陽新安

臨海永嘉五

郡及建安晉

安二郡立東

揚州陳霸先

陳蒨皆以都

督領會稽太

守

陳

會稽郡

後主  
少子

句章

東揚州

武帝  
永定

莊嘗王之

鄞

三年省東揚州併揚州文

隋

會稽郡

煬帝  
大業

句章

高祖  
開皇九年

鄮

揚州

平陳後  
改東揚

帝天嘉元年  
以徐度都督  
會稽等九郡  
鎮東將軍會  
稽太守三年  
以會稽東陽  
臨海永嘉新  
安新寧晉安  
建安八郡置  
東揚州王伯  
茂為鎮東將  
軍東揚州刺  
史

唐

初為越州三年復為郡

平陳併餘姚鄞鄞三縣入

州曰吳州置總管府大業初廢總管府

明州餘姚郡

鄞見上明州注開元二年

江南東道採訪使治蘇州

高祖武德四年

奉化十六年

訪使治蘇州

析句章縣

析鄞縣置

浙江東道觀察使治越州

七年廢姚州

慈溪析鄞置

浙江東道觀察使治越州

入餘姚縣

象山中宗神

武德四年越

年廢鄞州

析寧海及鄞

七年改為都

鄞縣並隸越

置台州代

督府太宗貞

州明皇開元

置

置

二十六年以

置

置

鄞縣置明州

置

置



郡曰奉化統  
鄞奉化慈溪  
翁山四縣天  
寶元年改明  
州為餘姚郡  
肅宗至德二  
年復為明州  
代宗廣德二  
年益以象山  
縣大歷六年  
省翁山皇朝  
建隆中鄞令  
金翊纂異記  
謂唐開元改  
鄞為明郡名  
奉化蓋唐初

宗廣德二年  
來屬

觀元年分十  
道越州督越  
婺泉州建台  
六州隸江南  
道高宗景雲  
二年分二府  
四郡督府越  
督十州定為  
中都督府既  
而罷之開元  
二十五年置  
繼置明州則  
隸江南東道  
採訪乾元道  
年置浙江東

雖改郡為州  
又各有郡名  
以備封爵睦  
州本遂安郡  
天寶元年更  
名新定奉化  
之更餘姚正  
類此地理志  
止曰明州餘  
姚郡紀載未  
詳餘姚其實  
越州故其隸  
不稱餘姚而  
稱奉化也

道觀察使大  
歷十一年廢  
德宗建中元  
年復置二年  
復廢貞元三  
年復置

五代

明州望海軍

國朝會要唐  
浙東觀察使  
錢鏐置望海  
軍

鄞

輿地廣記  
云五代時

吳越

國

唐以來

錢氏四世王  
之明其一郡  
也

改鄞為鄞通  
鑑天禧元年  
詔放慈溪鄞  
縣陂湖課額  
此縣為鄞之  
證也寰宇記  
成於太宗皇  
帝時尚稱鄞  
縣則鄞之改  
鄞當在太宗  
之後矣會要  
紀州縣升降  
廢置獨不及  
此豈寰宇記

誤乎考吳越  
備史錢氏時  
已稱鄞縣今  
姑以輿地記  
為據若舊經  
云開元二十  
六年改鄞為  
鄞則非也

奉化慈溪象

山

定海

海孺之  
地唐置

望海

鎮元和

十四年以薛

國朝

慶元府

奉國軍

奉化郡

沿海制置使

建隆元年改  
望海軍為奉

鄞

奉化

慈溪

象山

定海

戎言不隸明  
州吳越王錢  
鏐復置靜海  
鎮梁開平三  
年置望海縣  
隨改定海

浙東安撫使

治越州初錢

除杭守帶鈴

轄提舉兩浙

路州軍兵甲  
盜賊而浙東  
限濤江議者  
以為非杭所

國軍錢億錢  
惟洽相繼為  
節度使吳越  
納土始用文  
臣為知州奉  
國軍節度使  
又兼觀察處  
置等使然率  
遙領政和以  
來又置承宣  
使皆非知州  
所帶衙也奉  
化為郡則仍  
為封爵或以  
知州兼觀察  
使則非奉國

昌國縣  
熙寧六年  
析鄞六

能兼領皇祐  
三年二月始  
分兩浙為東  
西兩路杭越  
守臣各兼本  
路屯駐泊  
兵馬鈐轄宣  
和二年有方  
臘之變五月  
已亥臣僚言  
睦賊猖獗已  
見平靖慮班  
師之後餘孽  
尚在乞以杭  
越知州並兼  
本路安撫使

軍觀察使印  
文曰明州管  
內觀察使之  
印熙寧四年  
少府監重鑄  
至今存焉蓋  
不常置中興  
以來或以知  
州兼管內安  
撫使或兼兩  
浙東路兵馬  
鈐轄隨罷紹  
興三年置以  
海制之八年  
守兼之八年  
以紹興知府

此浙東安撫  
使之始也

兼十年仍舊  
十二年罷隆  
興元年復置  
寧宗皇帝在  
藩邸遙領明  
州觀察使既  
登寶位陞州  
為慶元府舊  
領節度使者  
雖不臨州而  
州有奏牘公  
文則知州衙  
前仍具節度  
使衙而於衙  
下書在京二  
字既陞府後



省去蓋朝省  
也無復關報故

### 沿革論

慶元府禹貢揚州之域秦會稽郡句章鄞三縣地也

初夏后禹東巡狩至大越朝諸侯上苗山大會計更名其山

曰會稽崩而葬焉少康封庶子無餘一名夫餘於其地以奉

廟祀是為越國句章鄞鄞隸焉邑采未著名也歷商及

周二十餘世至勾踐結怨於吳吳擊之敗保會稽使大

夫種行成吳復封之地廣百里東至於鄞

事見國語

既返國

坐卧仰瞻拊循士民期以報吳卒滅之欲置吳王角東

君百家則今昌國是已由是境土大拓號稱霸王七世

至無疆

一曰無疆

為楚所滅楚盡取故吳地至浙江江之東

南越子孫尚分有之秦滅楚降越君置會稽郡句章鄞

鄭始建縣漢初劉賈劉濞更王則縣隸荆吳吳國除乃

復隸會稽郡順帝永建四年分浙江以北置吳郡而句

章鄞鄭隸會稽自若也三國鼎峙孫氏首據會稽畧平

江東間命功曹或丞行會稽太守事每以蕭何關中之  
任屬之歷晉宋齊梁陳會稽或為國或為郡而三縣未  
有更革隋開皇九年始併餘姚鄞鄞入句章隸會稽郡  
大業初隸越州三年復隸會稽郡唐武德四年析句章  
置姚州鄞州七年廢姚州入餘姚八年廢鄞州為鄞縣  
並隸越州開元二十六年七月十三日從採訪使齊澣  
之請以鄞縣置明州蓋揚州之山鎮曰會稽而四明山  
乃會稽之別此州所以得名也天寶元年正月二十日

改餘姚郡至德二年十二月十五日復為明州大抵郡  
曰太守州曰刺史名異實同刺史之權非復如漢之部  
刺史置州之時名郡曰奉化則以備封爵又非太守所  
稱郡也州治鄞縣古鄞縣在阿育王山之西鄞山之東

自鄞州廢為鄞縣乃在今州治非古鄞治矣

唐書地理志鄞縣注

曰小江湖在南二里廣德州在西十二里仲夏堰在西  
南四十里所謂小江湖即今日湖又曰細湖其地實為  
小江里蓋自析句章為鄞州時已治此後乃廢州為  
鄞縣舊志謂大歷六年州始移治于此未之考也

長

慶元年刺史韓察欲移州城以白浙東觀察使薛戎戎

上言明州北臨鄞江地形卑隘請移明州於鄞縣置而

以州舊城近南高處置縣從之

見唐會要及移城記

州初置時領

縣四曰鄞曰翁山曰奉化曰慈溪要不出秦三縣之境

雖郡號餘姚而餘姚縣則仍隸越州廣德二年益以象

山縣大歷六年省翁山海塢舊置望海鎮元和十四年

從薛戎言不隸明州

唐會要元和十四年八月浙東觀察使薛戎奏准勅諸道所管支郡

別置鎮遏守捉兵馬者宜並屬刺史其邊徼溪峒接連蠻夷之處特建城鎮者則不在此限今當道望海鎮去

明州七十餘里俯臨大海與新羅日本諸蕃接界請據勅文不隸屬明州許之

錢鏐奄有吳越

以明州為節鎮置望海軍又更望海鎮曰靜海鎮尋置望海縣梁之開平三年也未幾改縣曰定海鄞縣亦改為鄞漢乾祐二年錢俶命其弟億判明州聖宋受命建隆

元年陞為奉國軍授億為節度使

會要載建隆二年改奉國軍按崔仁冀撰

錢億墓碑云建隆元年勅公為奉國軍節度使碑文成於乾德五年乃吳越未納土之時也首末甚詳當以碑文為據高閑撰九經堂記云藝祖受命紀元建隆錢俶首奉表稱臣職既又以其弟億守四明積十二年為之請命有詔寵以奉國軍號命億為節度使誤也開寶八年又命俶子惟治領之

見通鑑

太平興國二年吳越王納土歸圖籍十有三州而

明居其一朝廷改授惟治鎮國軍節度使自是始用文  
臣為知州熙寧六年析鄞東之海中洲富都等三鄉初  
立昌國縣而明之屬縣凡六矣在唐為上郡大觀元年  
始陞為望曾任監司郎官卿少以上乃得調守見會要重  
之也高宗皇帝駐蹕吳會明婺俱為要郡見會要而明州

控扼海道紹興三年置沿海制置使以鎮之然置罷猶

不常

詳見官條門

隆興元年始為定制從臣以上知州皆領

使職散官知州則兼沿海制置司公事溫台明越其屬

也國初有以知州兼管內觀察使者

印言熙寧四年重鑄則熙寧以前固

有之但不常置爾

中興以來有兼管內安撫使者有兼兩浙東

路兵馬鈐轄者特一時權宜奉國軍節度使又兼觀察

處置等使

見會要

吳越納土之後率遙領政和以來又置

承宣使皆非知州所帶銜也寧宗皇帝在藩邸領明州

觀察使既登寶位先改元之年十一月二十四日降旨

陞州為府以所以改元者名之曰慶元而守曰知軍府

事凡支郡必有總會自漢分十三部以刺史察郡句章



鄞鄮隸會稽郡則屬揚州宋齊以來或屬東揚州隋初  
改吳州總管既而復置揚州刺史唐或屬越州總管或屬  
都督或屬江南道最後浙東觀察使實領明越諸州以屬  
江南東道採訪使錢氏稱王則明為吳越屬州國朝諸監  
司廢置不常今有轉運使有提點刑獄有提舉常平茶鹽  
而安撫使治越州為浙東會府自宣和二年始也

### 境土

東至海岸一百四里自海岸二百五十里方出海洋至

石馬山凡兩潮約六百里為本州之界

西至本州界一百二十里以慈溪縣之西金川鄉桐下  
浦為界自界首至紹興府一百九十五里

南至本州界一百四十六里以奉化縣南松林鄉柵墟  
嶺為界自界首至台州二百四十里

北至海岸六十二里自海岸至蘇州洋二百二十里其  
分界處係大海即無地里相距自界首至平江府一千  
五百里

東南到海岸一百十二里自海岸汎大海八百三十八里至海中鋸門山為本州之界

西南到本州界一百三十六里以奉化縣松林鄉杉木嶺為界自界首至台州寧海縣七十里

東北到海岸七十二里自海岸汎大海一千二十八里為本州之界

西北到本州界一百五里以慈溪縣鳴鶴鄉雙河為界自界首至紹興府二百五十五里

本州在東京之東南以九域志考之至東京一千六百  
八十里今自本州迎恩驛挨排沿路經過州縣驛程  
至東京都亭驛實計二千五百二十八里二百四十  
有五步

分野

周禮保章氏以星土辨九州之地所封域皆有分星  
以視吉凶班固志地理謂吳地斗分壄既以會稽為吳  
分矣又云粵地牽牛婺女之分壄其君禹後少康之庶

子封于會稽後漢志曰自斗十一度至婺女七度一名  
須女曰星紀之次于辰為丑吳越分壅晉天文志曰自南  
斗十二度至須女七度為星紀於辰為丑吳越分屬揚  
州大抵越與吳同壤故論封域者率總言之漢永嘉中  
歲星熒惑太白聚牛女之間識者以為吳越之分其後  
孫策孫權實有江左晉太元間苻堅將入寇石越對曰  
今歲在吳分天道不順已而堅果敗去及陳叔寶將亡  
有星孛於牽牛若以此考之牛女之分吳越固同之矣

然按左傳昭公三十二年夏吳伐越史墨曰不及四十年越其有吳乎越得歲而吳伐之必受其凶是越之與吳又自有異分也晉志又曰會稽入牛一度春秋元命包曰牽牛流為揚州分為越國虞翻曰會稽上應牽牛之宿當少陽之位明為會稽之東部亦應牽牛之宿者歟

風俗

輿地廣記曰淮海惟揚州人性輕揚而尚鬼好祀

晉地理志

曰江南之地躁勁厥性輕揚亦曰州界多水水波揚也

會稽志曰其民勤於身儉

於家奉祭祀力溝洫有禹之遺風焉漢地理志曰吳粵之君皆好勇故其民至今好用劒輕死易發宋書史臣曰會土帶海傍湖良疇數十萬頃膏腴上地畝直一金鄠杜之間不能比也隋地理志曰會稽數郡川澤沃衍有海陸之饒珍異所聚故商賈並湊其人君子尚禮庸庶淳龐故風俗澄清而道教隆洽亦其風氣所尚也孫策命虞翻以功曹為吾蕭何守會稽晉元帝亦謂諸葛

恢曰今之會稽昔之關中其富實槩可知矣明得會稽郡之三縣三面際海帶江匯湖土地沃衍視昔有加古鄮縣乃取貿易之義居民喜游販魚鹽頗易抵冒而鎮之以靜亦易為治南通閩廣東接倭人北距高麗商舶往來物貨豐溢出定海有蛟門虎蹲天設之險實一要會也高宗駐蹕吳山明為甸畿孝宗命元子保釐禮俗日盛家詩戶書科第取數既多且間占首選衣冠文物甲于東南記曰廣谷大川異制民生其間異俗俗誠異



也轉移之則繫乎人爾

瀕海多颶風南越志云颶者具四方之風也常以五六月發未至時雞犬為之不鳴嶺表錄云秋夏間有暈如虹者謂之颶母必有颶風小坡蘇過叔黨賦云斷霓飲海而北指赤雲夾日而南翔此颶之漸也發則排戶破牖殞瓦擗屋礮擊巨石揉拔喬木勢翻淖澥響振坤軸鼓千尺之清瀾翻百仞之陵谷濟之以雨尤為可畏禾已花實而值之則闔境絕穗俗之所當備也

有土此有守宰制之權教化之樞于是乎屬既列  
郡之沿革及境土分野風俗宜以守次之

郡守

唐

舊志不載

秦舜昌

開元置州首為  
刺史見會要

呂延之

自明州遷越州  
刺史見會稽志

裴儼

大歷六年刺史八年罷王密撰紀德碣詞曰皇  
唐御神器一百四十二載海隅小寇結亂甌越

句章罹災逾苦井邑焚蕪道骸積而不掩生民僅  
有存者天子哀之乃命長安令河東裴儼殿茲邦

一年而驚逋復田疇闢茨塾興然後以禮義利物之教教之三年俗為鄒魯長幼各得其宜碣詞李陽冰書字最奇古建炎三年燬于兵紹興間守仇愼得諸榛莽重刻之開禧間守李景和又重刻今在設廳按袁晁陷明州以廣德二年伏誅唐興一百四十二載當乾元二年未有袁晁之亂也考慈溪香山寺碑裴儼為請寺額在大歷八年而崔殷記董孝子祠亦是大歷八年則裴與崔乃以此年相授受逆計之裴當以大歷六年到郡矣四十二合作五十四碣文重刻失其真也

崔殷

大歷八年刺史  
記董孝子祠

王密

大歷中刺史有惠政民到今思之李舟為碑記竟失其傳公以大歷十四年自湖州刺史授越

州刺史兼浙東節度副使乃撰裴儼紀德之碣云余忝躡高蹤則必承崔殷之後碣文謂海裔難理

裴公中庸清靜之德感人也深以公之稱裴如此其為政可知矣

趙闕

李長

兩刺史並見慈溪香山智度寺真歷大師行狀碑

王沐

緄之曾孫正元四年刺史立夫子廟見廟碑

任侗

正元九年刺史增修廣德湖溉田四百頃見地理志

韓察

滉之孫長慶元年刺史易縣治為州治徹舊城築新城功大而民不知役費廣而用不厲民見

韓杼材所撰移城記

應彪

長慶三年刺史建浮橋跨江五十五丈

李文孺

太和三年刺史修浮橋  
見曾從龍所撰浮橋記

于季友

太和六年刺史築仲夏堰  
溉田數千頃見地理志

張次宗

會昌中刺史見  
所撰鮑郎廟碑

李敬方

大和中初刺史  
請復開元寺

殷僧辯

建開元寺  
千佛殿

李休古

大中間刺史銜命除賊安民十四年除比部  
郎中兼侍御史記府學見文宣王廟碑側

李伉

咸通六年刺史  
建五龍堂

崔琪

咸通十五年刺史見  
所撰心鏡大師塔銘

劉文

中和二年刺史自  
台改授見赤城志

羊僕

黃晟墓碑作羊  
吳越備史作揚

鍾季文

黃晟

佐理推忠去偽功臣鎮東節度行軍司馬金紫  
光祿大夫檢校太子太傅持節明州諸軍事守

明州刺史兼御史大夫上柱國江夏縣開國子食  
邑五百戶晟鄞人也僖昭之間盜賊叢起晟結羣  
豪拒外盜郡守羊僕授以鄞塘鎮遏使尋遷奉化  
都護防遏兼飲飛都副兵馬使羊沒鍾李文繼之  
鍾沒衆乃戴晟攝守討平隣寇保護鄉井是時董  
昌錢鏐更王晟皆善事之表奏為真創策羅郭浮  
橋燬于寇復新之境內以安歷年二十終于梁之  
開平三年正月與母齊氏妻周氏俱葬于鄞縣之

隱學山事

見墓碑

五代

舊志不載

沈承業

梁貞明二年刺史建城隍廟

錢鏐

吳越王鏐之弟

錢元珪

鏐之子貞明三年刺史勅贊正安國功臣鎮海軍上右廳子等都指揮使兼土客諸軍安

撫使金紫光祿大夫檢校司徒

錢鏐

鏐之弟唐同光二年刺史有惠政卒于官

錢元珪

鏐之子以順化軍節度為刺史同光四年罷

仰詮

以鎮海軍興武開道諸軍都指揮使檢校太子少傅為刺史晉天福四年加同平章事充宣州

寧國軍

節度使

闕燔

開運二年刺史以上六刺史並見吳越備史

錢億

吳越王俶之弟漢乾祐二年五月判明州諸軍事見碑銘

國朝

錢億

建隆元年以節度使持節明州事請于朝浚廣德湖築塘岸周回一萬一千八百七十一丈它

山堰損若不可收跪請于神增築全固乾德五年二月丁卯卒官謚康憲葬奉化白石里

錢惟治

吳越王俶之子開寶八年以節度使持節太平興國三年遷鎮國軍節度使



王素

太平興國五年太中大夫行太子中允權知  
見雪竇山瀑布禪院立事石刻舊志不載

徐休復

太平興國六年見  
會要舊題名不載

趙易知

太子贊善大夫太平  
興國年石碑名易之

錢象先

太常博士  
雍熙年

陳矜

侍御史  
端拱中

孫扶

吏部郎中  
端拱年

丘崇元

淳化年復  
廣德湖

陳充

殿中丞  
淳化年

胡旦

秘書監  
淳化年

凌景陽

度支員外郎  
淳化年

鮑當

職方員外郎  
至道年

徐繼宗

司封員外郎  
至道年

丁顧年

庫部員外郎咸平  
年石碑名顧言

王膺

虞部員外郎  
大中祥符年

蘇耆

戶部員外郎  
大中祥符年

范諷

祠部員外郎直史  
館大中祥符中

康孝基

太常博士大  
中祥符年

劉綽

太常博士大  
中祥符中

李夷庚

吏部員外郎直史館天禧年知  
浚東錢湖廣德湖移建州學

燕肅

司封員外  
郎天聖中

曾會

朝奉大夫尚書刑部郎中充集賢殿修撰知軍  
州兼市舶管內勸農事上護軍賜紫金魚袋天

聖二年到任見葛周所撰慈溪香  
山寺十方碑前守曰鄭不得其名

劉賡

司封員外  
郎天聖年

張交

司封員外  
郎明道年

李照

刑部員外郎明道年

林殆庶

屯田郎中集賢校理景祐中

徐起

太常少卿景祐年

張弇

司封員外郎景祐年

席平

太常少卿景祐年

李制

侍御史寶元年

鮑亞之

兵部郎中康定中

錢延年

工部郎中秘閣校理慶曆年

陸軫

工部郎中直史館  
慶曆年石碑名珍

王周

司封郎中慶曆  
年知土人也

范思道

戶部郎中直龍  
圖閣慶曆中

沈扶

祠部員外  
郎慶曆中

孫沔

皇祐三年以龍圖閣直學士知見通鑑長編及  
王坡公所撰墓誌舊志不載沔世家奉化縣後

徙會稽時母喪新除起為陝西都轉運使沔  
未欲遠去墳墓可知明州許之尋徙徐州

安稔

度支部中秘閣  
校理皇祐中

呂昌齡

金部郎中  
皇祐中

沈同

工部郎中  
至和中

齊廓

兵部郎中  
校理嘉祐中  
秘閣

鮑軻

工部員外  
郎嘉祐中

錢公輔

太常博士  
校理嘉祐中  
秘閣

郎玘

工部郎中  
嘉祐中

李思道

兵部郎中  
治平年

俞昌年

兵部郎中  
治平年

苗振

光祿卿熙寧初以知明州致仕以官場餘材為  
堂舟載歸鄞州且多置田產王達作詩曰田從

汶上天生出堂自明州地架來句傳京師王安石  
當國白遣御史王子韶廉其事明州起獄治之振

竟貶斥事

見續通鑑

王罕

衛尉卿熙寧三年以歲饑多盜乞降度  
牒修城王安石當國以非急務不許

趙誠

太常少卿熙寧五年坐所舉李守蒙  
監秀州海鹽監以賊敗奪一官勒停

李紱

戶部郎中秘閣  
校理熙寧六年

李定

集賢殿修撰  
熙寧八年

曾鞏

度支員外郎直龍  
圖閣元豐元年

王誨

曾任宗正少  
卿元豐五年

馬琬

曾任左司員外郎元豐七年

王汾

直龍圖閣元祐三年

韓宗道

曾任司農少卿元祐年

李萃

曾任兵部郎中元祐年

李閱

曾任虞部郎中元祐年

王子淵

曾任光祿少卿元祐年

張脩

曾任太府少卿元祐年

劉淑

曾任戶部郎中元祐二年



呂溫卿

曾任軍器少監元祐年

姚勔

實文閣待制紹聖年

王子韶

集賢殿修撰紹聖年

劉程

曾任戶部郎中紹聖年

葉濤

曾任起居舍人紹聖年

韋驤

曾任戶部郎中元符年

陸傳

曾任戶部員外郎建中靖國年

王資深

集賢殿修撰崇寧年

葉棣

曾任吏部員外郎崇寧年

呂昌齡

朝奉郎尚書金部員外郎知軍州兼市舶務管內勸農事上護軍借紫大觀三年

在任重刻張次宗所撰鮑君祖廟記舊志不載

彭休

曾任吏部員外郎大觀年

白同

曾任刑部郎中大觀年

錢景逢

曾任本路提刑就差大觀年

宋康年

曾任戶部郎中大觀年

陸傳

曾任祠部郎中大觀年

檀宗旦

曾任太僕少卿大觀年

蔡肇

顯謨閣待制政和年

李圖南

顯謨閣待制政和年

呂淙

曾任軍器少監政和年

周秩

集英殿修撰政和年

周邦彥

直龍圖閣政和五年

毛友

顯謨閣待制政和六年

樓异

徽猷閣待制政和七年知异明人也任滿命再睦寇猖獗蹂踐鄰郡异備禦有方六邑無犯

李友聞

直龍圖閣  
宣和四年

蔣彝

直秘閣宣  
和四年

蔣猷

徽猷閣直學  
士宣和四年

趙億

右文殿修撰  
宣和六年

魏憲

顯謨閣直學  
士宣和七年

李弼孺

直秘閣宣  
和八年

李友聞

集英殿修撰  
宣和八年

蘇攜

直龍圖閣  
建炎元年

金受

直秘閣建炎二年

沈晦

集英殿修撰建炎三年

張汝舟

直顯謨閣兼管內安撫使建炎四年

劉洪道

建炎四年金兵至棄城遁兵退返廝民間窖藏以獻貶秩罷詳見叙遺

向子忭

直秘閣兼管內安撫使建炎四年

吳懋

直秘閣兼兩浙東路兵馬鈐轄建炎四年八月初四日到任

陳戢

寶文閣待制兼兩浙東路兵馬鈐轄紹興元年十二月十五日到任

陸長民

直秘閣兼兩浙東路兵馬鈐轄紹興二年八月十五日到任

李承造

直龍圖閣紹興三年  
三月初二日到任

郭仲荀

檢校少傅慶遠軍節度使兼  
制置使紹興三年十月十三日到任

仇愈

徽猷閣待制兼沿海制置使紹興五年八月十  
五日到任兵火之餘首復州學與鄉士大夫行

鄉飲  
之禮

周綱

直龍圖閣兼主管管内安撫司公  
事紹興八年二月十三日到任

潘良貴

集英殿修撰兼主管内安撫司公  
事紹興九年六月初九日到任

仇愈

徽猷閣待制兼沿海制置使  
紹興十年六月十八日到任

梁汝嘉

實文閣學士兼浙東沿海制置使紹興十一  
年八月十三日到任十二年十一月除提舉

江州太

平觀

莫將

敷文閣學士左朝請郎紹興十二年十二月二十四日到任十四年十一月除提舉江州太平

觀

秦棟

敷文閣待制紹興十五年正月初二日到任十七年四月除知宣州

徐琛

右中奉大夫充敷文閣待制紹興十七年四月二十六日到任二十年四月初十日除知平江府

曹泳

右朝請大夫直徽猷閣紹興二十年五月初三日到任二十二年六月十九日除知紹興府

韓璣

右奉直大夫提舉兩浙路市舶兼權知明州紹興二十二年七月初三日到任二十三年三月

初七日除

兩浙運判

李莊

右中奉大夫直顯謨閣紹興二十三年四月初二日到任十二月十二日差提舉台州崇道觀

王會

敷文閣直學士右朝請郎紹興二十四年六月二十七日到任二十五年五月初十日改除兵

郎部侍

李洸

右朝請大夫紹興二十五年六月二十九日到任七月二十五日致仕

方滋

右朝請大夫直敷文閣紹興二十五年九月二十八日到任十二月初一日罷任

王俟

左朝議大夫紹興二十五年十二月二十四日到任二十六年九月十八日赴召

姜師仲

左朝請大夫直秘閣紹興二十六年十二月十四日到任二十八年八月二十六日差主

管台州  
崇道觀



趙善繼

右朝散大夫直祕閣紹興二十八年十月初八日到任二十九年六月初五日罷任

張偁

右中奉大夫充祕閣修撰紹興二十九年七月十一日到任三十年六月初五日除提舉台州

崇道觀

沈該

特進觀文殿大學士紹興三十年七月十三日到任三十二年閏二月十三日致仕

韓仲通

敷文閣直學士右正議大夫紹興三十二年閏二月二十三日到任隆興元年五月二十

九日除知

紹興府

趙子瀟

龍圖閣直學士左通議大夫兼沿海制置使隆興元年六月初三日到任二年六月初八

日除知

福州

趙伯圭

數文閣直學士右奉議郎兼沿海制置使隆興二年十月十八日到任至乾道二年十二

月十八日再任三年三月二十四日丁母憂罷任

張津

右朝散大夫直秘閣兼主管沿海制置司公事乾道三年五月十三日到任五年五月十五日

被命再任

趙伯圭

龍圖閣學士右朝請郎兼沿海制置使乾道五年十月初五日到任八年三月十三日再

任淳熙元年十一月初九日改除宮觀

皇子魏王

永興成德軍節度使雍州牧開府儀同三司兼沿海制置使淳熙元年十二月十七

日到任七年二月初七日薨背

范成大

中大夫兼沿海制置使淳熙七年三月二十一日到任八年三月二十一日除端明殿學

士知建

康府

趙益

武德大夫文州刺史浙東提點刑獄公事獲旨兼權淳熙八年閏三月初五日到任四月十一

日交割  
回司

謝師稷

朝散大夫祕閣修撰兼主管沿海制置司公事淳熙八年四月十一日到任九年十月十

三日  
赴召

楊獬

以司農少卿除直顯謨閣淳熙九年十一月二十三日到任十一年四月二十一日知寧國府

趙師夔

朝奉郎充敷文閣待制兼沿海制置使淳熙十一年十月十三日到任十三年七月初九

日改差知  
平江府

耿秉

朝奉郎祕閣修撰兼主管沿海制置司公事淳熙十三年八月初十日到任九月二十七日請

假朝

延璽

武功大夫高州刺史權兩浙東路提點刑獄公事被旨兼權淳熙十三年十月十六日到任十

二月二十三  
日交割回司

岳甫

朝奉郎兼主管沿海制置司公事淳熙十三年十二月二十四日到任以本路提舉常平司除

十五年十一月二十五日除尚左郎  
中十六年三月二十七日交割起發

林栗

中奉大夫集英殿修撰兼沿海制置使淳熙十六年三月二十七日到任在任除煥章閣待制

紹熙元年八月二十五日  
差提舉江州太平興國宮

程大昌

寶文閣直學士宣奉大夫兼沿海制置使紹熙元年十一月初三日到任初八日除宮觀

林枏

朝請大夫直煥章閣兼主管沿海制置司公事紹熙二年正月十六日到任十月內除直徽猷

閤知  
福州

虞儔

朝奉大夫權兩浙東路提點刑獄公事被旨兼權紹熙二年十二月初二日到任二十九日交

割回  
司

高夔

朝散大夫右文殿修撰紹熙二年十二月二十九日到任三年十二月初八日改除邊郡

朱忼

中奉大夫直徽猷閣兼沿海制置司公事紹熙四年二月二十二日到任

何澹

煥章閣學士太中大夫兼沿海制置任紹熙四年十二月十二日到任轉至通奉大夫慶元元

年六月十六日赴召

林大中

朝散大夫煥章閣待制知慶元軍府兼沿海制置使慶元元年八月十三日到任二年十

一月初七日滿

李大性

朝散大夫兩浙東路提點刑獄公事被旨兼權慶元二年十一月十七日到任三年二月

初九日交割回司

吳琚

太尉鎮安軍節度使兼沿海制置使慶元三年二月初九日到任十月二十三日赴行在奏事

鄭興裔

保靜軍承宣使兼沿海制置使慶元四年三月初五日到任五年四月初五日乞致仕奉

旨除武泰軍節度使依所乞

俞豐

朝請大夫直秘閣兩浙東路提點刑獄公事被旨兼權慶元五年七月十七日到任八月十七

日交割  
回司

陳杞

太中大夫徽猷閣待制兼沿海制置使慶元五年八月十七日到任嘉泰元年三月十七日改

知建寧府

趙不迹

朝議大夫華文閣待制兼沿海制置使嘉泰元年四月初三日到任九月二十六日改知

潭州

李沐

徽猷閣學士朝議大夫兼沿海制置使嘉泰元年十月二十三日到任次年十一月初九日改

知建

寧府

黃由

實謨閣學士通奉大夫兼沿海制置使嘉泰元年閏十二月初八日到任四年二月初一日起

名

趙彥逾

土人也資政殿大學士太中大夫兼沿海制置使嘉泰四年四月二十三日到任次年三

月三日  
除宮觀

李景和

中大夫充實謨閣待制兼沿海制置使開禧元年五月初十日到任

趙善堅

通奉大夫兼沿海制置使開禧二年四月二十六日到任七月內除實謨閣待制十二月

十八日除工部侍郎兼知臨安府



傅伯成

朝議大夫直龍圖閣兼沿海制置司公事開禧二年十二月十八日到任嘉定元年三月

二十一  
日赴召

俞烈

中奉大夫兼沿海制置使嘉定元年三月二十一日到任十月十六日除集英殿修撰改知鎮

江府

魯开

朝散大夫提舉兩浙東路常平茶鹽公事兼權兼沿海制置司公事嘉定元年十月十六日到

任二年二月二十一日解任

程準

朝請大夫直秘閣兼沿海制置司公事嘉定二年六月初七日到任四年七月九日除直煥章

閣令  
再任

王介

朝奉大夫集英殿修撰兼沿海制置司公事嘉定四年十一月十八日到任次年九月十一日

因疾丐祠  
得請宮觀

程覃

朝奉大夫提舉兩浙東路常平茶鹽公事被旨兼權兼沿海制置司公事嘉定六年二月二十

二日到任東錢湖它山堰灌溉甚溥每患湮圯覃始置田租以所收歲給浚導者慮畫最遠撥錢及田造器服以勸學蠲海錯果蔬之征以惠民城郭戎器倉場橋道以至公府與鄉飲酒之器具纖悉留意人服其整

韓元禮

承議郎提舉兩浙東路常平茶鹽公事被旨兼權嘉定八年六月十七日到任九月初九

日除刑部郎官十月初四日除直秘閣知兼沿海制置司公事十年九月十一日轉朝奉郎再任十

二年十月初二日除大理少卿候正官  
到日前來供職十三年四月五日交割

**俞建**

朝請大夫直徽猷閣兼主管沿海制置司公事  
嘉定十三年四月初五日到任十四年九月十

八日被旨赴  
行在奏事

**章良朋**

朝奉郎提舉兩浙東路常平茶鹽公事被旨  
兼權嘉定十四年十月初十日到府十五年

正月初十日寶慶赦恩轉朝散郎十二月九日以  
調度兵將獲賊海道肅清特轉朝請郎當月十四  
日除尚左郎官候正官到日前來

供職十六年四月二十日交割

**趙師岳**

檢校少傅安德軍節度使兼沿海制置使嘉  
定十六年四月二十日到任十七年六月二

十七日被旨召赴行在七月十六日除開府儀同  
三司充萬壽觀使嗣秀王八月十二日交割

齊碩

奉議郎提舉兩浙東路常平茶鹽公事被旨兼權嘉定十七年八月十二日到府十月十七日

覃恩轉承議郎寶慶元年十一月初一日除金部郎官候正官到日前來供職二年二月二十二日

交割

胡渠

以兵部尚書除煥章閣學士通議大夫知兼沿海制置使寶慶二年二月二十二日到任紹定

元年十二月轉授通奉大夫紹定二年正月十一日除顯謨閣學士充沿海制置使兼知慶元府二

月十一日視事七月初九日除龍圖閣學士正奉大夫致仕

鄭損

以太中大夫試工部尚書除煥章閣學士沿海制置使兼知慶元府紹定二年十一月二十三

日到任次年九月十一日召赴行在交割離任當年十一月十九日除徽猷閣學士依舊沿海制置

使兼知慶元府再於十二月十二日到任端平元年正月初四日奉祠

牛大年

以朝請大夫直華文閣浙東路提點刑獄公事被旨兼權於端平元年六月十四日到任

當年七月二十八日乞免兼回司

游九功

以中大夫司農少卿兼樞密副都承旨除秘閣修撰知慶元軍府事兼沿海制置司公事

於端平元年十月十一日到任次年五月初四日除守司農卿兼知慶元軍府事兼沿海制置使當

年十二月十一日御筆除權刑部侍郎於端平三年正月闕日交割

王定

朝奉大夫直徽猷閣知慶元府兼沿海制置副使端平三年三月十九日到任當年五月一日

準省劄  
除宮觀

趙與篴

以中奉大夫直寶謨閣兩浙轉運判官於端平三年五月闕日除直煥章閣知慶元軍府事

兼主管沿海措置使司公事六月初八日朝辭奏事當日奉聖旨除司農少卿知慶元軍府事兼沿海

海制置副使於當年七月十三日到任  
嘉熙元年六月十五日準省劄除宮觀

陳咳

顯謨閣學士宣奉大夫沿海制置使兼知慶元軍府事嘉熙元年十二月二十一日到任於次

年三月十五日準入內侍省遞到御前金字牌奉御筆召赴行在

趙善湘

以資政殿大學士銀青光祿大夫提舉臨安府洞霄宮除四川宣撫使兼知成都府疾速

前來奏事訖之任辭免間於嘉熙二年三月十三日準入內侍省遞到御前金字牌奉御筆依舊資政殿大學士除沿海制置使時暫兼知慶元府於三月十八日交割當月二十五日準省劄三省

同奉御筆依元降指揮疾速前來奏事在任準三月二十五日聖旨指揮依舊資政殿大學士銀青光祿大夫知紹興府浙東安撫使已於當年閏四月初二日交割

趙以夫

嘉熙二年三月二十五日以朝奉大夫守宗正少卿兼樞密副都承旨除右文殿修撰樞

密都承旨兼知慶元府主管沿海制置司公事四月十九日朝辭除集英殿修撰知慶元府兼沿海制置副使閏月初二日到任三年正月以職事修舉轉朝散大夫以都司賞轉朝請大夫二月召赴行在三月再任四年正月一日除太常少卿四月十七日仍舊職除樞密都承旨十月十七日準省劄交割與通判張公亮日下前來供職二十二日交割離任

余天錫

嘉熙四年六月內奉御筆除資政殿大學士知慶元府兼沿海制置使累辭不允於當年

十二月三日到任至次年十月以疾乞生前致仕  
十二月四日除觀文殿學士特轉兩官依所乞

**陳堽**

以中大夫秘閣修撰知慶元府兼沿海制置副使於淳祐元年十二月二十七日交印三年正

月初五日除大理卿十二日除右文殿修撰知平江府兼兩淮浙西發運副使節制蕲浦水軍

**黃壯猷**

淳祐三年正月以中奉大夫守太府卿除祕閣修撰知慶元府兼沿海制置副使當年二

月初十日到任四年六月日奉旨除右文殿修撰轉一官依所乞致仕

**趙綸**

以中奉大夫起居舍人兼國史院編修官實錄院檢討官除右文殿修撰知慶元府兼沿

海制置副使於淳祐四年八月初七日交制司印當月十二日交割府事五年四月日準省劄奉祠

**顏頤仲**

以朝請大夫右文殿修撰知慶元府兼沿海制置副使於淳祐五年六月二十七日到任



當年八月十日磨勘轉朝議大夫當年十二月一日加食邑三百戶六年四月十八日以職事修舉除集英殿修撰再任七年四月二十五日再以職事修舉除實章閣待制再任陞制置使八月十五日奉聖旨金帶許令服繫八年五月十一日因版曹比較增羨特轉中奉大夫當年十月九日奉御筆除兵部侍郎  
日下前來供職

### 章大醇

以朝請郎直華文閣兩浙轉運副使於淳祐八年十月九日除太府卿知慶元府兼沿海

制置副使當年十一月二十二日到任十年四月十一日準省劄除右文殿修撰再任當年十月十七日準省劄以淘湖潘河竣事特轉一官於當年十一月十六日準告轉朝奉大夫四月三日準省劄以居官不擾海道肅謐水利興修職事振舉除集英殿修撰仍特轉一官因任當年七月開日準告該

磨勘轉朝散大夫當年十月初十日  
準省劄三省同奉御筆別與差遣

馬天驥

以朝請大夫秘閣修撰知紹興府浙東安撫使兼提舉淳祐十一年十月內準省劄三省

同奉御筆除權兵部侍郎日下供職當月闕日再奉御筆依舊權兵部侍郎知慶元府兼沿海制置使

於當年閏十月  
二十一日到任

蔡節

淳祐十二年三月十八日準尚書省劄子備奉聖旨依舊集英殿修撰知慶元軍府兼沿海制

置使已於當年六月二十七日到任交割兩司職事續準寶祐元年正月六日省劄備奉正月一日

聖旨召  
赴行在

趙與權

寶祐元年正月一日以皇兄安德軍節度使開府儀同三司萬壽觀使奉御筆除沿海制

置使兼知慶元府當年二月三日交割制府職事  
三月三日奉御筆特轉行一官令學士院擇日宣  
鎖降制當月十日準制書可特授少保依前皇兄  
安德軍節度使沿海制置使兼知慶元府加食邑  
實封仍令所司擇日備禮冊命五月一日奉御筆  
屢疏丐辭懇陳甚力特從所請以遂雅懷當月六  
日祇受省劄當月七日將牌印交割以次官解罷  
職事當月八日奉御筆依前萬壽觀使免奉朝請  
俸給人  
從依舊

趙汝暨

實祐元年五月二十九日準尚書省劄子五  
月二十一日備奉聖旨直華文閣知慶元府主

管沿海制置使司公事已於當年八月二十九日  
到任交割制府兩司職事實祐二年十一月初三  
日準省劄十月二十六日  
備奉聖旨召赴行在奏事

厲文翁

以朝奉郎集英殿修撰知紹興軍府浙東安撫使在任準尚書省劄子寶祐二年十月二

十六日三省同奉聖旨依舊集英殿修撰知慶元府兼沿海制置使於當年十一月二十七日交割

置使印十二月二十七日文府印至寶祐三年三月日準尚書省劄子備奉聖旨別與州郡差遣

陳昉

寶祐三年四月十九日奉聖旨依舊集英殿修撰知慶元軍府兼沿海制置使七月二十八日

到任四年四月二十二日奉聖旨召赴行在

吳潛

以寶祐四年四月二十三日奉御筆依舊觀文殿大學士沿海制置大使判慶元軍府已於九

月初九日到任交割兩司職事至五年正月初六日奉御筆吳潛特轉一官職任依舊當年四月開

日蒙恩予告還里當月十五日起離至閏月二十六日備奉聖旨指揮比以海間重地付吳潛彈壓

威惠所浹鯨波晏然今已及假滿之期所合申趣  
還之命可令寧國府守臣宣諭就道具起發日時聞  
奏已於五月初三日祇拜恩命及承守臣趙采到  
家宣諭指揮即已遵奉聖旨涓五月十二日起離  
寧國府迤邐回任至當月二十一日抵慶元府交  
領兩司牌印續於寶祐六年九月初三日備奉御  
筆吳潛分閫四明已書再考郡網振飭海道肅清  
可特轉一官令再任累辭不獲於當月十七日望  
闕祇受詔命至開慶元年八月十七日再疏乞歸  
田里奉御筆吳潛三年海閫備竭勤勞累疏丐歸  
高節可尚可依舊觀文殿大學士判寧國府特進  
封崇國公令學士院日下降制於當月二十八日  
離任

余晦

以開慶元年十月五日準省劄備奉聖旨余晦  
特與叙復元官依舊職差知慶元府兼沿海制

置使具辭免備奉聖旨不允已於當年十一月初一日交割兩司職事續於當年閏十一月二十六日準省劄備奉聖旨余晦特暫兼浙東提舉已於十二月十三日交割職事至景定元年五月初一日準省劄備奉聖旨余晦除顯謨閣待制知鎮江府兼浙西都大兵船兼淮東總領於當月闕日離仕間又於當月十一日準省劄備奉御筆余晦除戶部侍郎兼知臨安府浙西安撫使

姚希得

景定元年四月三十日奉聖旨陞煥章閣待制知慶元府兼沿海制置使以避曾祖諱特

陞敷文閣待制六月十八日到任十月十一日奉聖旨以宣閫結局轉通議大夫十一月十六日準尚書省劄子奉聖旨賜金帶一條許令服繫景定二年五月二十一日準告以郊恩進封鄞縣開國子加食邑二百戶七月十六日奉聖旨召赴行在

厲文翁

景定二年七月十五日奉御筆除資政殿學士沿海制置使兼知慶元府八月十六

日交割制置使印二十九日交割府事至三年八月十九日奉御筆在任及考職事修舉除資政殿大學士職任依舊繼奉聖旨特與照現執政例轉中大夫至當年閏九月闕日離任

馬天驥

以資政殿大學士知福州景定三年閏九月闕日準內批依舊資政殿大學士沿海制

置使兼知慶元府於當年十二月十四日交割使印當月二十一日到任交割府事至四年十

月闕日準省劄備奉聖旨馬天驥到任將及一考職事修舉可除觀文殿學士依舊任五年三月闕

日奉御筆依舊職差充平江府辭免間再準省劄備奉聖旨依舊職任四月闕日奉御筆予祠

李曾伯

景定五年四月二十四日奉御筆依舊觀文殿學士知慶元府沿海制置使六月二

十二日交制置司印當月二十六日到任交割府事至咸淳元年正月以病未痊乞守本官致仕當月二十日降詔不允再奏二月二日奉御筆不允別與州郡差遣遂申離任闕月十九日準省劄二月十五日奉聖旨令交割以次官離任於當日解任

葉夢鼎

咸淳元年四月闕日奉御筆資政殿學士知慶元府兼沿海制置使以當年八月初十

日就所部台州寧海縣交割制置司印至當月二十五日交府印二年二月闕日供準告命以穆陵竣役特轉金紫光祿大夫八月十二日奉御筆除資政殿大學士依舊知慶元府沿海制置使三年正月四日御筆除參知政事兼提舉編修勅令兼提舉經武要略繼具辭免奉聖旨降詔不允續具申諭二月初一日準省劄令交割與以次官離任



謝予強

以中大夫華文閣待制知紹興府浙東安撫使兼提舉咸淳三年十一月六日三省同奉

聖旨依舊華文閣待制知慶元府沿海制置使兩具辭免再準省劄備奉聖旨依已降指揮不允令

疾速前去之任十二月二十四日正月六日具奏申乞守本官生前致仕

范東叟

咸淳四年三月十八日三省同奉聖旨除華文閣直學士知慶元府兼沿海制置使累具

辭免再準省劄備奉內批不允令疾速前去之任不得更有陳請具已起發日時奏申已於四月二

十四日就所部紹興府蕭山縣交領沿海制置使牌印於五月初一日到慶元府交領府事至十一

月十三日乞守本官職生前致仕當月二十二日準內批特陞除龍圖閣直學士轉一官依所乞致仕

洪壽

咸淳四年十一月十九日準省劄三省同奉聖旨依舊敷文閣學士改差知慶元府兼沿海制置使

五年二月二十七日至所部紹興府山陰縣界交割司印三月初九日到慶元府領府事六年五月初一日特陞顯謨閣學士仍舊任八月朔日力疏祈開初五日三省同奉聖旨除寶文閣學士依所乞予宮觀十六日將兩司牌印交割與以次官離任

**劉翬**

咸淳六年閏十月初五日準省劄三省同奉聖旨除集英殿修撰知慶元府主管沿海制置司

公事兩具辭免奉聖旨不允仍免回避續準勘會指揮十一月二十七日奉聖旨免朝辭疾速前去之任具已起發日時奏申至十二月初八日起發就所部瑞安府樂清縣界交割沿海制置司牌印續於當月二十一日到慶元交領府事咸淳七年閏月閏日準告該磨勘轉承議郎當年十一月十五日準省劄十一月十一日三省同奉御筆除權刑部侍郎曰下前來供職尋具辭免十一月二十

四日準省劄三省同奉聖旨不允續準省劄令候  
正官交割訖前來供職至咸淳八年正月初三日  
準省劄備奉正月一日御筆兼侍講又準省劄備  
奉內批差兼修玉牒官並曰下前來供職已兩具  
控辭奉聖旨不允再具申審闕月闕日準  
省劄令交割與以次官離任前來供職

寶慶四明志卷一

欽定四庫全書

寶慶四明志卷二

宋 羅濬 撰

郡志二

叙郡中

營室先宗廟制服先祭服作器先祭器教敬也有  
土有守矣宜以祀典之大者次之

社稷

社為司土之神勾龍配之稷為司稼之神棄配之不屋  
而壇受天陽也風雨雷師附焉唐天寶三載詔社稷升  
為大祀四載詔風伯雨師升入中祀風伯壇置社之東  
雨師壇置社之西各稍北三數十步卑小於社壇風伯  
用立春後丑祀雨師用立夏後申祀五載詔逐州祭雨  
師宜以雷師同壇共牲別置祭器見會要國朝用此制大  
觀元年議禮局以國家祈報社稷用法服郡邑用常服  
非是詔以衣服制度頒之使州郡自製政和六年江東

提舉沈延嗣奏州縣社稷壇壝皆不如法乞按式作圖  
鏤板頒下仍於壇壝之外別為大牆圍之外建一門常  
加封鎖於齋聽立石刊刻增立法制守令上之三日躬  
詣壇按圖修治從之詔立州縣社稷風雨雷師壇之式

頒圖于天下

政和五禮新儀州縣社壇方二丈五尺高三尺四出陞稷壇如社之制四門同一壝

二十五步風雨師雷師壇皆卑小於社四出陞四門皆一壝二十五步燎壇於神壇之左壝之外稍高於神壇瘞坎壇之北壬地南

府社稷壇在子城西南一里齋

宮在壇之北舊遇祠祭率假器服于學宮嘉定六年提

刑程覃攝守器服始備籍藏于有司寶慶二年守胡渠  
重修壇壝齋宮淳祐六年夏制帥集撰龍溪顏公頤仲  
謂郡之祀典社稷為重壇壝蕪圯齋宮傾欹殊失崇祀  
之意乃授通判府事張公琥以經畫成規卜吉鼎造又  
謂門逕狹陋編戶汙雜復造木為梁取道通衢以便齋  
宮往來尚嚴潔也

祭器

酒樽四

同站

罍洗各二

同站



爵一十二杓四

籩三十二

豆三十二

俎一十六

簠一十六鬯同

簋一十六鬯同

篚三

祝板四玷同

神位牌四

冠冕三

青玄衣三

朱裳三

白中單三

朱芾三

大帶綬三

革帶三

佩三

緋襪三

鞋三

城隍

古者諸侯既立社稷又為國立五祀曰司命曰中霤曰國門曰國行曰公厲鄭氏謂國門為城門則今之城隍是也社稷為一州境土最尊之神城隍為一城境土最尊之神聘禮使者必釋幣於門而後行可謂重矣府城隍廟在子城西南五十步梁貞明二年刺史沈承業建俗

傳神姓紀名信漢高帝死事之臣也嘉定九年兩浙轉運司備攝守程覃奏賜廟額曰靈佑嘉定十三年火守

### 俞建重建

太守民之師帥也豈曰道之以政齊之以刑而已  
化民成俗其必由學而洪範八政則以祀先司徒  
故祀典之後學校次之

學校

鄉飲酒禮  
及貢舉附

唐州縣皆有學開元二十六年明始置州學宜隨州立矣

寶應廣德間州燬于袁晁之亂王密謂裴儼殿邦而茨

塾興

見紀德碑

豈兵革搶攘之後姑以茨屋為學乎貞元四

年守王沐始建夫子廟太和七年守于季友以開元襲

封文宣王冊文刻之石

貞元大和碑碣具存

聖朝天禧二年李夷

庚移學于子城之東北一里半建炎兵燬先聖殿巋然

獨存治平中所鑄鐵香爐及殿之前後古柏六皆無恙

前韶州司戶曹事林暉郡人也首捐金錢數十萬草創

黌宇紹興七年守仇愈成之直殿之後為明倫堂

林楠書

翼以兩廡東廡之東齋曰上達曰廣譽曰造道西廡之

西齋曰登賢曰成己曰時升三門之外會於一門以出

於是講肄有所矣十九年徐守琛即明倫堂之後建稽

古堂

徐琛篆書

亦舊址也堂之上舊有五經閣

郡人樓郁有五經高閣倚

雲開之句

閣毀經亡高宗皇帝累頒御書經史乃崇奉于新

堂之上則曰御書閣二十七年守姜師仲重修七年所

建守張津乾道三年重修六年守趙伯圭又修之久益

圯淳熙十三年岳甫守郡周粹中領校官協謀改貫郡

捐錢二百萬鄉之達尊尚書汪大猷侍郎史彌大勸激

士類鳩材効功自閣之外堂廡重門皆為一新增置成

德齋於上達之後

林士衡命名

越二年林士衡繼周董職又徹新其

六齋創冷齋於稽古堂之西

後改曰養正齋以處小學諸生今小學諸生則分隸諸齋矣

嘉定

十六年守趙師岳復修御書閣且捐緡錢七百修諸齋寶慶

改元校官方萬里猶以泮橋湑室公厨未新為恨謁之守倅

攝守齊碩給緡錢千石米百倅蔡範亦以舶務之贏助緡錢

如州家之數今守胡渠又給緡錢一千翼宇輪奐遂甲東州郡

之先進楊公適杜公醇王公致樓公郁王公說以義理  
之學淑士風者也忠肅陳公瓘始攝郡倅晚著尊堯集  
于此以忠節著聞天下者也清敏豐公稷侍郎高公閱  
侍郎林公保尚書汪公大猷皆此邦之顯者也郡守李  
公夷庚仇公愈趙公伯圭岳公甫程公覃趙公師岳校  
官周公粹中皆有功於儒宮者也士咸宗之故列祠焉  
嘉熙間奉旨升濂溪橫渠明道伊川晦菴諸先生從祀  
先聖淳祐五年冬制帥集撰龍溪顏公頤仲祠南軒張

宣公東萊呂成公象山陸文安公于明倫堂之左復以  
郡人有得三先生之傳者曰廣平舒公璘定川端憲沈  
公煥慈湖文元楊公簡絜齋正獻袁公燮列祠于堂之  
右

祭器

犧尊三

鬯勺  
坩同

象尊三

鬯  
坩同

罍二

鬯勺  
坩同

洗二

巾  
同

簋八十六

巾  
同

豆八十六

屬  
同



簋五十二

同廢

簋五十二

同廢

爵九十一

同站

俎七十

祝板站三

篚四

右嘉定七年攝守程覃置

犧尊三

銅造各重九斤一十兩

象尊三

銅造各重一十斤

龍勺八

銅造各重一斤

爵十九

銅造各重一斤

壺二

銅造各重一十二斤

洗二

銅造各重八斤八兩

俎三十四

簋五十

篚三

豆五十

簋十六

簋十六

祝壺三

尊壺六

爵壺十九

右紹定六年教授陳松龍遵紹熙頒降朱文公儀

式製造

祭服七副

冕冠七頂

內三頂係金裏綾

朱履鞋七兩

青玄衣七領

白中單七領

大帶綬七條

內三條有銀鑲

朱蒂七段

纁裳七腰

腰帶七條

袂七條

箱子七片

右嘉定七年攝守程覃置

御書

中庸篇一軸

匣天字

周官書一軸

匣天字

文宣王贊一軸

匣地字

樂毅論一軸

匣地字

孝經一軸

匣玄字

羊祜傳一軸

匣玄字

周易三軸

匣黃字

尚書三軸

匣字字

毛詩四軸

匣宙字

論語二軸

匣洪字

孟子五軸

匣 荒字

春秋五軸

匣 日字

春秋五軸

匣 月字

春秋五軸

匣 盈字

法帖十軸

匣 景字

宣聖七十二賢贊像三軸

匣 辰字

樂章一軸

匣 辰字

學記一軸

匣 辰字

損齋記一軸

宿字  
匣

右紹興以來累次頒降

損齋記一軸

溪字  
長匣

獎諭沈該御筆一軸

雲字  
長匣

右守臣沈該恭藏

神宗皇帝賜臺官滕元發手詔一軸

雲字  
匣

徽宗皇帝御覽龍德太乙宮詩一軸

雲字  
匣

戒約士風手詔一軸

漢字  
長匣

賜忠勇李寶一軸

漢字  
長匣

禁約苞苴手詔一軸

漢字  
長匣

廷尉手詔一軸

雲字  
長匣

損齋記二軸

雲字  
長匣

玉堂一軸

雲字  
長匣

右守臣趙伯圭恭藏

幸學手詔一軸

雲字  
長匣

不許折苗手詔一軸

雲字  
長匣

右皇子魏王恭藏

臨帖五冊

詔書一軸

右守臣趙師夔恭藏

寶慶訓敕士風詔書一軸

右守臣胡榘恭藏

賜書

經一百一十五部計五百八十一冊

傳解釋文  
等在內



史七十九部計一千三百四十三冊

說史者在內

子一十五部計四十五冊

文集一百七十一部計一千二百五十冊

雜書九十五部計七百二十八冊

御書臨帖五冊

已入御書類

宸翰詔書一軸

已入御書類

右皇子魏王判州藏書四千九十二冊一十五軸

淳熙七年有旨就賜明州於是守臣范成大奉藏

于九經堂之西偏繼又恐典司弗虔乃奉藏于御書閣列為十厨嘉定十七年校官臣徐介點檢略有散失其所存者如此

官書

經四十二部計一百六十七冊

史四十部計五百七十九冊

子一十四部計二十九冊

文集三十七部計一百五十九冊

雜書一十一部計一百一十九冊

右元管舊數

川本石經書籍一十四部計一百一冊

右嘉定六年攝守程覃置

六經正義正本通鑑史記兩漢唐書諸史提要八朝  
言行錄大事記各七部

右嘉定六年攝守程覃置分七齋各一部

書板

四明尊堯集一百板

了齋先生親筆二十板

紹定四年授陳松龍置

通鑑要覽五百五十板

洪範講義四十五板

崔宮教文集四百三十八板

分毫韻畧二百四十板

紹定五年制帥尚書鄭損置

文公大學章句一十八板

紹定五年授陳松龍置

文公中庸章句一十六板

教授陳松龍置

太極圖解一十七板

教授陳松龍置

西銘解一十一板

教授陳松龍置

近思錄一百八十板

教授陳松龍置

續近思錄一百五十板

教授陳松龍置

己丑廷對二十板

教授陳松龍置

傳習錄一百六十五板

教授陳松龍置

明學編類文公釋奠禮三十三板

教授陳松龍置

文公小學書二百板

淳祐六年制帥集撰  
龍溪顧公頤仲置

陳忠肅公言行錄三十板

制帥集撰  
公頤仲置顏

北谿先生字義一百十五板

制帥集撰  
公頤仲置顏

禮詩二十八板

制帥集撰  
公頤仲置顏

諭俗編五十二板

制帥集撰  
公頤仲置顏

四明續志三百三十幅

大使吳  
丞相置

班馬字類二百五十幅

制使李  
相公置

讀書法二百三十板

性理字訓三十板

濂洛論語六十八板

制帥集撰  
劉公黻置

問梅小橐八十板

制帥集撰  
劉公黻置

四明續志四十五板

制帥集撰  
劉公黻置

濟民莊始末四十五板

制帥集撰  
劉公黻置

# 射圃

熙寧中行三舍法武學附選有圃以習射舍法罷武

學廢圃亦廢淳熙元年孝宗皇帝頒射義于天下皇

子魏王判州三年冬度地築圃于學宮之前凡六畝

四十一步三分三釐五毫有亭曰觀德校官虞汝翼  
記于石嘉定三年亭之南北建屋二十三間收僦居  
之租寶慶二年校官方萬里恐地久浸失疆界計其  
丈尺埋石以識之紹定四年教授陳松龍申府復故  
址建牆宇規撫為之一新大丞相申國鄭公清之題扁  
表揭

嘉熙三年鄉帥資政殿學士趙善湘屬教授黃一震  
依式礮石植三表揭于儀門



錢糧

鄞縣

田二千九百八十畝二十三步

湖田六百六十六方計七萬四百畝有奇

地八十三畝三十八步有奇

河塗地二百一十三畝三角一步

水池一畝四十步

山一萬一千七十二畝五十四步半

奉化縣

田四百一十三畝一角五十七步

地六畝一角

山一百八十九畝二角三十二步

慈溪縣

田六百七畝一角七步半

地二角一十三步

山八十三畝三角一十四步

定海縣

田池地山共三百一十二畝三角三十二步有奇

右除本學舊業外係累任守仇愆秦棣李景和

程準程覃齊碩胡渠相繼撥到沒官物產或輟

錢買置

建炎兵火之後郡人林戶曹  
暉嘗捐私田半頃入學養士

昌國縣

石弄山砂岸

右皇子魏惠憲王奏請撥賜令本學自擇砂主

秀山砂岸

右拘入徐榮等物產

以上歲收

白米七百四十七碩八斗七升三合八勺

湖田糙米一千六百二石一斗五升九合

穀二千二百一十五碩二斗七升九合九勺

河塗錢二百二十貫五百九十一文

省陌錢  
會中半

租地錢一百二十貫五百六十三文

省陌錢  
會中半

四明山租錢二百八十貫文

省陌錢三分  
官會七分

石弄山砂岸租錢五千二百貫文

省陌錢二分  
半官會

七分半

秀山砂岸租錢二百貫文

官會

東安鄉屋錢日掠三十九文

足陌

石弄山砂岸及續撥到諸處砂岸淳祐六年制帥集撰

顏公頤仲申省并在外官民戶砂岸一例蠲除弛利予

民使當地民船團結保伍

有石刻并須知無

各以保護鄉井為

念仍截撥錢歲償府學養士元額及昌國縣官俸省劄

附于下方

照應淳祐六年二月二十三日準尚書省劄子備朝議大夫右文殿修撰知慶元軍府事

兼沿海制置副使顏頤仲狀竊謂古者闢市不征澤梁無禁小民牧養猶慮不周今乃非闢市而橫征託砂岸而苛禁傷聖朝愛養之本奪小民衣食之源詎可視之而不問耶照得本府瀕海細民素無資產以漁為生所謂砂岸者即其衆共漁業之地也數十年來壟斷之夫假包佃以為名啗有司以微利挾趕辦官課之說為漁取細民之謀始為脫給文憑久則視同己業或立狀投獻於府第或立契典買於豪家倚勢作威恣行刻剥有所謂艚頭錢有所謂下筭錢有所謂曬地錢以至竹木薪炭莫不有征豆麥果蔬亦皆不免名為抽解實則攫拏猶且計口輸金下及醫卜工匠朔名色以苛取皆官司之所無凡海民生生

一孔之利竟不得以自有輸之官者幾何誅之民者無藝利入私室怨歸公家已非一日甚至廣布爪牙大張聲勢有坡主有專櫃有牙秤有攔脚數十為羣邀截衝要強買物貨掙托私鹽受妄狀而詐欺抑農民而採捕稍或不從便行羅織私置停房甚於囹圄拷掠苦楚非法厲民含冤吞聲無所赴愬鬪毆殺傷時或有之又其甚者羅致惡少招約刑餘揭府第之榜旗為逋逃之淵藪操戈挾矢撾鼓鳴鉦儻方出沒於波濤俄復伏藏於窟穴強者日以滋熾聚而為姦弱者迫於侵漁淪而為盜薄人于險靡所不為他人之舟即己之舟他人之物即己之物兵卒不得而呵官府不得而詰曩者永嘉之寇蓋亦萌蘖於斯由其恃有憑依所以肆無忌憚頃歲廷紳奏請欲令品官之家不得開抱砂岸蓋慮法不能禁則姦宄百出貽禍無窮且謂貴勢之家與國相為休戚國苟不寧已何利焉思患預防辭意激切然戒飭雖詳而占據自

若頤仲嘗推究其故亦緣州縣利及歲入之額致使豪強藉為漁奪之媒若欲此令行先自有司始頤仲濫分海閘甫六閱月蠲積賦減折價浚河渠損征額苟可利民未嘗靳吝如砂岸之為民害見於詞訴者愈多州郡豈敢較此數萬緡坐視海民困苦而不救今查本府有歲收砂岸錢二萬三貫二百文制置司有歲收砂岸錢二千四百貫文府學有歲收砂岸錢三萬七百七十九貫四百文通計五萬三千一百八十二貫六百文十七界欲截自淳祐六年正月為始悉行蠲放却將別項窠名撥助府學養士及縣官俸料支遣州郡既率先捐以予民則形勢之家亦何忍肆虐以專利應是砂岸屬之府第豪家者皆日下聽令民戶從便漁業不得妄作名色復行占據其有占據年深脫給不照或請到承佃榜據因而立契典賣者並不許行用欲乞公朝特為數奏頒降指揮著為定令或有違戾許民越訴不以蔭贖悉坐違制之罪



庶幾海島之民可以安生樂業府第豪戶不得倚勢  
為姦非惟為聖朝推廣惠下之仁亦不至異日激成  
為盜之患委非小  
補伏候指揮肯依

府學石弄山砂岸

石壇砂岸

秀山砂岸

蝦辣砂岸

蟹塗砂岸

大嵩砂岸

淳祐六年制帥集撰顏公頤仲申省蠲除仍截撥府庫錢三萬七百七十九貫四百文十七界分作上下半年償學養士元額永為定例

昌國縣砂岸

淳祐六年制帥集撰顏公頤仲申省蠲除仍截撥版帳錢四千餘貫充縣官俸料錢

鄉飲酒禮

舊俗以歲之元日或冬至太守率鄉之士大夫釋菜

于先聖先師而後會拜堂上長幼有序登降有儀擯  
介有數倣古鄉飲禮建炎學燬禮廢紹興七年學重  
建守仇愈復舉故事益以酒三行後三年仇公復來  
置田百有六畝支其費又三年郡人林保為比部郎  
聞于朝遂取其式頒行天下行雖不久猶聽州縣從便  
故明州行之如初而仇公所置田移以養士酒禮遂  
輟乾道中秘閣張津守郡至撥沒官之產以補之王  
伯庠記諸石產段刻于碑陰嘉定七年提刑程覃攝

守禮行尤盛且輟楮券二千緡附定海水軍庫歲責  
稱貸之息侑費厥後歲雖會拜無復舊典寶慶三年  
冬十二月尚書胡榘守郡議行禮於人曰括贏錢止  
八百緡郡出七百緡助之貳車蔡範助百緡鄉人厲  
氏助五十緡戶部尚書郎何炳董之日會耆俊參訂  
同異潤色綿蕞六邑風動驩願齒列凡一千五百餘  
人昔者升歌合樂之儀未皇蒐舉於是依鹿鳴等詩之聲  
節以合止獻籌交錯古意頓還淳祐六年制帥集撰

龍溪顏公頤仲蒐舉舊典增造禮器以人日行禮盍

簪酬酢者三千餘人資政殿大學士正奉大夫陳公

卓首賓席儀文視前彌煥為費五萬四千七百七十

貫有奇出於府帑禮成制帥賦詩

王春人日喜陰晴  
文物衣冠萃四明

禮樂幾年今一見主賓百拜酒三行人心天理須興  
起士習民風悉變更太守自慚才德薄網維全賴老

生先大夫士賡和盈帙

水田三百一畝一角一十九步七分

山一百九十二畝三角四十六步半

地八十畝二角二十步

屋二十間半七厦一舍外賃屋九間一舍

以上石刻元載歲收

穀五百二十九碩七斗一升八合

拘沒史僦冒占徐和東屋基係樓店務地坐  
落鄞縣武康鄉開明坊日收賃錢一百二十

文足

寶慶三年管催數

鄞縣租穀二百二十一碩七十五升三合五

勺

租錢一十二貫二百一文

省陌錢  
會中半

奉化縣租穀二十六碩

昌國縣吉祥院折穀錢二百二十貫文

省陌  
錢會

中半

定海縣水軍庫官會二千貫文收息二分大

約一歲收四百貫文

官會

貢舉

宣和罷舍法復科舉三歲一試解一十二名紹興二  
十六年兼西北流寓通解一十四名舊無貢院士亦  
不過數百率寓試于行衙又于府學西妙音院院為  
之廢建炎元年移其額于定海四年燬于兵士寓試  
于譙樓之上或于開元寺試者日衆乾道五年守張  
津始即妙音院廢地建院以容之糜金錢一千萬東  
西重廊凡一百四十楹立聽事於其北位考官於其



後執事之舍悉備

侍御王伯庠記

其後又不足以容有司每

借府學之冷齋以居嘉定六年提刑程覃攝守葺治

之南增屋數十間作封彌謄錄所又於學地立牆以

障之限隔始嚴紹定元年守胡榘重修謄錄屋圯重

建

教授

聽事學之東南


續增貢舉額

端平元年被旨增解額一十四名

賦十名  
經四名

通前共二

十八名



寶慶四明志卷二